



Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 23. Continuati tumultus in Rhætia.

[urn:nbn:de:hbz:466:1-67326](#)

Sæc. XVII. cipumque suorum, licet legitimorum
 A. C. 1619 jugum excutere molirentur. Mauri-
 tius vero Nassovius clam Fridericum
 Electorem instigabat, ut Bohemiæ dia-
 dema immote possideret: insuper etiam
 milites conscribebat, ut eundem con-
 tra suos hostes in Palatinatu tuerentur,
 eique obtentam dignitatem sartam ser-
 varent.

§. XXIII.

Continuati tumultus in Rhætia.

Lundorp.

I. 19. c. I.

Ferrer. con-

tin. tom. II.

Bucelin.

Rhæt. sacra.

Tumultuantibus interim Bohemis tur-
 bæ in Rhætia recrudescere cæpe-
 tant, ac præprimis Engadina, (quod
 Caput Oeni vocatur) validis factio-
 nibus jactabatur. Habebantur Mense Ja-
 nuario Curiæ Comitia, in quibus ratio
 Administrationis a Vallis Telinæ Mi-
 nistris exacta, simulque subditorum
 querelæ auditæ fuerunt. Attamen
 quanto major dissidia componendi sol-
 licitudo adhiberi videbatur, tanto ma-
 jores excitati sunt tumultus, Plantana
 & Salisina factionibus invicem feso in-
 fano furore insectantibus: nihil quoque
 præterminabant Hispani, Galli, Ve-
 netique, ut suam quisque factionem
 sibi propitiam potenter adjuvare pos-
 sent. Incusabat Franciæ Legatus Ve-
 netum Oratorem, quod inito cum Rhæ-
 tiis

tiis fœdere totius mali culpa extiterit: Sæe. XVII.
Veneti quoque Rhætios tanquam in- A.C. 1619.
quietos homines habebant, atque ab
eorum societate se recessuros minita-
bantur. Confluxerant potissimum ex
plebe Calviniana non pauci, qui con-
flata nova factione partes aut compo-
nere, aut Catholicos penitus eliminare
moliebantur: ast viribus & auctoritate
destitutos Hispaniæ & Franciæ Ora-
tores insectabantur, eorum æmulis per-
suadentes, ut rescissis illorum statutis
Curiensem Episcopum unacum Catho-
licis nuper proscriptis revocarent. Hi
ergo Vallem Telinam ex integro asse-
rere intenti, ad arma conclamant, præ-
lioque sat cruento prope Curiam com-
misso, Protestantes profligant, captis
eorum septuaginta. Parta hac victoria,
erectoque, ut vocant, censorio judicio,
proscriptos revocant, & adversæ partis
statuta irrita declarant: paulopost Pro-
testantes resumptis viribus Catholicos
aggrediuntur, in fugam agunt, captos
liberant, institutoque novo Tribunali
nuper promulgata rescindunt decreta,
ceterasque factiones eo adigunt, ut
policerentur, se nunquam exteris Prin-
cipibus hæsuras, nec eorum Legatos
admissuras. Inde vero tanta exorta est
confusio, ut Magistrates æque ac sub-
diti, noxii simul cum innoxiis pericli-
taren-

gæc. XVII. tarentur, cunctis libertatis studium præ-
 A. C. 1619. seferentibus, & sub hoc obtenu se-
 mutuo opprimere, suaque ad vota co-
 gere adlaborantibus: Durior ceteris e-
 rat conditio Catholicorum, qui nu-
 mero pauciores, & Episcopo atque Ec-
 clesiis suis spoliati, obtrusis Prædican-
 tibus, eadem cum Calvinistis Ecclesia
 uti atque animis non minus quam Re-
 ligione diversi convivere cogebantur.

§. XXIV.
*Equestris Ordo de Sancta militia
 Viennæ eretus.*

*Merc. Gal-
 lob. t. 12. l. 3.
 Bellus l. 3.
 pag. 75.
 Brietius ad
 hunc ann.
 Bald. chro-
 nic. Moral.* **H**oc anno Viennæ in Austria novus
 Ordo Equitum de sacra militia Chri-
 stiana, demum Cæsareo consensu firma-
 tus est. Jam anno priori quidam Prin-
 cipes, Comites, Proceresque Catho-
 lici, præcipue Carolus Gonzaga Ni-
 vernensis Dux, Adolphus Altheimius,
 Ratzivilius Princeps, Saxonæ Lauen-
 burgensis Dux, Buchheimius & Comes
 de Arco, aliique hunc Ordinem sub pa-
 trocinio B. Virginis, SS. Michaelis &
 Francisci instituebant, præcipua insti-
 tuti lege sancta, ut maritimas Turca-
 rum excursiones compescerent, omnes-
 que Christianos sub Ottomanicæ servi-
 tutis jugo gementes pro viribus libe-
 rare satagerent, necnon Catholicam
 Reli-